

Y RHWYDWAITH YMCHWIL  
IECHYD MEWN YSGOLION

SCHOOL HEALTH  
RESEARCH NETWORK

# Y defnydd o sigarêts electronig ymhlith pobl ifanc yng Nghymru

Brîff Ymchwil Iechyd a Lles Ysgolion, Chwefror 2017

Mae sigarêts electronig wedi dod yn gymorth poblogaidd i helpu oedolion i roi'r gorau i ysmegu, a allai drwy hynny leihau'r niwed sy'n gysylltiedig â thybaco yn y boblogaeth. Fodd bynnag, mae pryderon am y defnydd o e-sigarêts ymysg pobl ifanc nad ydynt yn ysmegu a'r posibilrwydd y gallai hyn arwain at gynydd yn y defnydd o dybaco ymysg yr ifanc, sydd wedi bod yn dirywio yng Nghymru am 18 mlynedd. Ydy e-sigarêts yn mynd i wyrddroi'r duedd hon?

## Yr hyn rydym ni eisoes yn ei wybod...

Mae e-sigarêts yn aml yn cynnwys nicotin sy'n sylwedd y gall rhywun fynd yn gaeth iddo, ac a all rwystro datblygiad yr ymennydd yn ystod yr ardddegau.

Caiff e-sigarêts eu marchnata mewn modd sy'n canolbwyntio ar bobl ifanc, sy'n eu gwneud i edrych yn gymdeithasol ddeniadol, gyda chymeradwyaeth enwogion, cynlluniau graenus ac ystod eang o flasau.

Mae arbrofi gydag e-sigarêts wedi cynyddu'n gyflym ymysg pobl ifanc, ond mae tystiolaeth yn awgrymu bod defnydd cyson yn anghyffredin a'i fod yn digwydd yn bennaf ymysg pobl sy'n ysmegu'n barod.

Yng Nghymru, yn 2013, roedd arbrofi gydag e-sigarêts a thybaco ymysg pobl 11-16 oed yn gyfatebol yn 12%, ond dim ond 1.5% ddywedodd eu bod yn defnyddio e-sigarêts yn gyson. Ymysg pobl ifanc nad oeddent wedi ysmegu erioed, roedd y defnydd cyson yn fychan iawn. Roedd y defnydd o e-sigarêts yn fwy tebygol ymysg defnyddwyr canabis, ond nid oedd yn amrywio o ran grwpiau ethnig, rhyw na chyfoeth teuluol.

## Yr hyn a wnaethom...

- Rhoesom wahoddiad i 113 o ysgolion gymryd rhan yn Arolwg Iechyd a Lles Myfyrwyr yng Nghymru 2015. Cymerodd 87 o ysgolion ran, gan gynhyrchu data gan dros 30,000 o bobl ifanc.
- Archwilion ni beth oedd maint y defnydd o e-sigarêts ymysg pobl 11 i 16 oed ac edrych ar gysylltiadau rhwng y defnydd o e-sigarêts a mathau eraill o ddefnydd o sylwedd (tybaco, canabis, alcohol, mephedrone a nwy chwerthin).
- Archwilion ni a yw pobl ifanc yn trio e-sigarêts neu dybaco'n gyntaf er mwyn i ni ddeall yn well beth oedd patrwm y ffyrdd hyn o ymddwyn.



## Yn gryno

- Roedd 18.5% o fyfyrwyr ysgol uwchradd wedi rhoi cynnig ar e-sigarêts, ond roedd defnydd cyson yn anghyffredin.
- Cynyddodd y defnydd o e-sigarêts gydag oedran ac roedd yn fwy cyffredin ymysg bechgyn.
- Roedd y defnydd o e-sigarêts yn fwy cyffredin na'r defnydd o dybaco, ond roedd y defnydd o e-sigarêts ymysg ysmygwyr yn uwch nag ymysg y rheini nad oeddent yn ysmegu.
- Pan oedd y defnydd o dybaco ac e-sigarêts yn cyd-ddigwydd, roedd tybaco'n fwy tebygol o fod wedi cael ei drio'n gyntaf.
- Cafodd y defnydd o e-sigarêts ei gysylltu â'r defnydd o alcohol, canabis, mephedrone a nwy chwerthin.



@SHRNWales



SHRN@cardiff.ac.uk



SHRN.org.uk

## Yr hyn a ganfuom...

### Defnydd o E-sigarét

- Yn gyffredinol, roedd **18.5%** o fyfyrwyr wedi defnyddio e-sigarét o leiaf unwaith a **2.7%** wedi eu defnyddio'n gyson (yn wythnosol neu'n fwy aml).
- Roedd y nifer oedd wedi defnyddio e-sigarêts yn ystod eu bywydau'n cynyddu gydag oed i **37.3%** o fyfyrwyr blwyddyn 11; cynyddodd y defnydd cyson hefyd i **5.7%**.
- Roedd y defnydd o e-sigarêts hefyd yn fwy cyffredin mewn bechgyn ac mewn myfyrwyr nad oeddent erioed wedi ysmegu.


### E-sigarêts ac ysmegu sigarêts

- 10.5% o fyfyrwyr oedd erioed wedi ysmegu yn eu bywydau a 2.3% oedd yn ysmegu'n ddyddiol. Ym mlwyddyn 11, 26.5% o fyfyrwyr oedd erioed wedi ysmegu yn eu bywydau ac roedd 6.3% yn ysmegu bob dydd.
- Ym mhob grŵp blwyddyn, roedd myfyrwyr yn fwy tebygol o fod wedi defnyddio e-sigarét nag wedi ysmegu sigarét.
- Er bod ysmegu'n llai cyffredin, roedd perthynas gref hefyd rhyngddo a'r defnydd o sigarêts.

- Roedd y mwyafrif llethol o fyfyrwyr oedd wedi rhoi cynnig neu'n ysmegu tybaco ar hyn o bryd wedi adrodd eu bod hefyd wedi rhoi cynnig ar e-sigarêts.
- Roedd defnydd cyson o e-sigarêts hefyd yn llawer mwy cyffredin ymysg ysmegwyr: roedd bron i hanner yr ysmegwyr dyddiol wedi adrodd eu bod yn eu defnyddio'n gyson o gymharu â 2% o rai nad oeddent yn ysmegu.
- Dywedodd dwy ran o dair o fyfyrwyr oedd wedi rhoi cynnig ar e-sigarêts ac ysmegu eu bod wedi rhoi cynnig ar dybaco yn gyntaf. Ymysg yr ysmegwyr cyson, roedd dros bedwar allan o bob pump wedi trio tybaco'n gyntaf.

### E-sigarêts a sylweddau eraill

- Roedd cysylltiad cryf rhwng y defnydd o ganabis, mephedrone a nwy chwerthin, a rhoi cynnig ar e-sigarêts.



## Materion i'w hystyried

Daeth y data ar gyfer yr astudiaeth hon o arolwg mawr o bobl ifanc yng Nghymru sy'n cynrychioli plant yng Nghymru gyfan.

Gofynnwyd i'r rhai oedd yn cymryd rhan adrodd ynglŷn â'u defnydd eu hunain o e-sigarêts, ond nid ydym yn gwybod a oedd eu hatebion yn gywir.

Casglwyd data am y defnydd o e-sigarêts a thybaco gyda'i gilydd (data trawsadrannol) felly rydym yn ddibynnol ar gof y rhai a gymerodd ran ynglŷn ag ydyd nhw wedi rhoi cynnig ar e-sigarêts neu dybaco yn gyntaf.

Arianwyd yr Arolwg Iechyd a Lles Myfyrwyr gan Iechyd Cyhoeddus Cymru. Roedd Grant Cyngor Economaidd a Chymdeithasol yn cefnogi'r dadansoddiad data.

### Beth mae hyn yn ei olygu i'm hysgol i?

- Mae arbrofi gyda e-sigarêts, sy'n ffynhonnell nicotin, yn fwy cyffredin nag arbrofi gyda thybaco ac yn debygol o fod wedi dechrau i raddau bychain erbyn blwyddyn 7.
- Tra bod ysmegwyr tybaco cyfredol yn fwy tebygol na'r rhai nad ydynt yn ysmegu o fod wedi defnyddio e-sigarêts, mae'r rhan fwyaf yn adrodd eu bod wedi rhoi cynnig ar sigarêts confensiynol yn gyntaf. Mae hyn yn awgrymu nad yw e-sigarêts ar hyn o bryd yn arwain at gynydd mewn defnydd o dybaco yng Nghymru, sydd wedi parhau i ddirywio.

Darllenwch y papur ymchwil yn llawn. Gallwch ei lawrlwytho'n rhad ac am ddim yma:

<http://bmjopen.bmj.com/content/7/2/e012784.full>

de Lacy E et al (2017) Cross-sectional study examining the prevalence, correlates and sequencing of electronic cigarette and tobacco use among 11-16-year olds in schools in Wales. BMJ Open 6:e012784